

նում, այնպէս և դարբանդցիք զնում են նշենիք փոխանակ զեղ-
ծի, և այս այգիները շինուած են տորոնի արտերի տեղերումն,
և փոխանակում են տորոնեան եկամտօք, ըստ որում ինչպէս
պատմում են, երբեմն 1840 — 1877 (ցուլս տաճկական պատե-
րազմն) նշանաւոր վաճառականութեան պատճառ է եղել Կով-
կասեան քաղաքացւոց և ահագին գումարներ է տուել աշխա-
տաւորաց, բայց ինչպէս ցաւելով և հոգոց հանելով ասում են
բագուեցիք, շամախեցիք, և մանաւանդ դարբանդցիք և զու-
բայեցիք, բայց 1877 թուիցը սկսած տորոնը վաճառական-
ների տունը քանդեց, և շատ մարդկանց 30 հազար, 50 հազար
և հարիւր հազար մանեթները տորոնի հետ մնացին գետնի տա-
կին, ըստ որում յանկարծ տորոնի գինը կոտորեց — փութը 15
մանեթից իջաւ 2 3 մանեթ, որով և դադարեց իսպառ տո-
րոնի առ ու տուրը: Այժմ փոխանակ տորոնի լաւ մշակում են
այգիներ և առատութեամբ ստանում են եկամուտը, ինչպէս
այգեաւորների խօսքերից էր երեւում, բաւական դո՛հ էին այգի-
ներից, որ մոռանալ էին տուել դարբանդցւոց տորոնի առ ու
տուրն և օգուտը: Այսպէս՝ թէ որ դարբանդցիք զրկուել են
տորոնի օգուտից, որով հպարտացել էին, ինչպէս իրենք էին
ասում, բայց Աստուած խնայեց դարբանդցւոց և ուրիշ միջո-
ցաւ օգնեց, թէ և զոհարան և օրհնարան չեն Աստուծոյ տուած
բարութեանց համար, ինչպէս իրենց ազգային գործոց մէջ ե-
րեւում էր, քանզի դպրոցի յարատեւութեան և բարեկարգու-
թեան վրայ շատ թոյլ էին շարժում և անփոյթ ինչպէս յայ-
տաւարութեանս մէջ մանրամասն գրել եմ կաթուղիկոսին 1889
թուին:

Դարբանդ քաղաքի և շրջակայ գիւղերի, որպէս և Մօլլայ
Խալիլի, Պօղոս Քեանդի, և այլ գիւղերի մէջ բնակւող հայ
ժողովուրդը, ինչպէս պատմում են տեղացիք, 1800 —
1810 թուերին գաղթել են Անդրկովկասեան քաղաքներն և գիւ-
ղերն, որք են Ղլլար, Մոզգօք, Պետրովսկի, Մաճառ (սուրբ
Խաչ քաղաք), որոց լեզուն, սովորութիւն և աւանդութիւն նոյն
է, ինչ որ այսօր Դարբանդի, Խաչմասի, Քիլիվարի և Մազրա-
սայի հայոցն է, և այդ բոլոր գաղթած ժողովուրդը թեմ ու վի-